

FOLASAGA MO LE FAIAOGA

Ina ia e saunia faaleagaga e aoao atu lenei lesone, faamolemole ia faitau ma mafaufau loloto i mea nei:

O le Perisitua o le mana ma le pule a le Atua. E tuuina mai e le Atua lenei pule i alii agavaa o le Ekalesia e 12 tausaga agai i luga ina ia mafai ai ona latou galulue i Lona suafa e faamanuia ai isi. O sauniga o le talalelei, e pei o le papatisoga ma le faamauga, o le faamanatuga, ma isi, e faatinoia e ala i le pule o le perisitua (tagai MFF 13; 20:73–79; 84:19–22). O tagata uma lava o le Ekalesia e faamanuiaina mai le perisitua.

SAUNIUNIGA

Faailoga le itulau 26 ma le 114 i le tusi lesone lenei e faafaigofie ai ona e susue i ai.

GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Aoaoga o Mataupu Faavae Ta'u i tamaiti o le perisitua o le mana o le Atua; e tuuina mai le perisitua i tama matutua ma tamā ina ia mafai ai ona latou faamanuiaina o latou aiga ma isi. Fai i tamaiti e ta'u le upu “perisitua.” (*Manatua*: A o faia lenei lesone, nofouta i lagona o tamaiti i le vasega pepe e leai se tamā i o latou aiga pe e le umia e o latou tamā le perisitua.)

Ata Faaali atu le ata o i le itulau 118 ma valaaulia tamaiti e faafoliga o sii se pepe. Faamalamalama atu e mafai ona faamanuiaina ia pepe ma tuuina i ai se igoa e alii e i ai le perisitua. Valaaulia tamaiti e fai mai “perisitua.”

Faaali atu le ata tusi o i le itulau 119 o se faamanuiaga o e mamai. Ta'u i tamaiti o se tagata e i ai le perisitua e mafai ona faamanuiaina i latou o e o loo mamai ina ia lelei la latou faalogona. Susue i le itulau 26. Faasino i le ata o Iesu ma faamalamalama atu faapea i le ata lea o loo faamanuiaina e Iesu se tasi e tauaso. Valaaulia tamaiti e fai mai “perisitua.”

Faaali atu le ata o i le itulau 114. Faamanatu i tamaiti tatou te aai ma feinu i le faamanatuga i Aso Sa taitasi. Faamalamalama atu e saunia, faamanuia, ma tufatufa e i latou o loo i ai le perisitua. Valaaulia tamaiti e fai mai “perisitua.”

Pese Valaaulia tamaiti e uu lima ma savavali i se li'o a o e usuina pe fai atu upu o le pese “O Loo Tautalagia Iinei Le Alofa” (*Tusipese a Tamaiti*, 102):

E manuia lo'u aiga i le mana o le perisitua.

Faaiuga Faasoa atu lau molimau e faamanuiaina i tatou e le Tama Faalelagi e ala i le perisitua.

Tatalo Valaaulia se tamaitiiti e faia le tatalo faaii.

MOTUGAAFA
FAAFAIAOGA

Aoaoga o mataupu faavae: O le vaega lenei ua fuafuaina e fesoasoani i tamaiti e maua ai se malamalama faavae o le talalelei. O nisi o i latou atonu o le a le malamalama i mea uma e te fai atu ai, ae o le a masani i latou i le gagana o le talalelei ma atiina ae se faavae mo mea o le a latou aaoaina mulimuli ane i le olaga.

O tamaiti laiti e eseese lo latou agavaa i le gagana (tagai O Le Aoa Atua, E Leai Se Isi Valaauga e Sili Ai, 116–17). Ina ia fesoasoani i tamaiti laiti tele e fai soo upu mai le lesone, i se leo malu fai atu se tala faapea, “E mafai ona e fai mai perisitua? Tatou fai faatasi perisitua,” ma faatalitali mo se tali. Afai e le tali mai le tamaitiiti, ia toe valaaulia ma le alofa, ae aua ne'i faamalosia o ia. E tusa lava pe na o le faalogo, e aoao lava tamaiti mai le lesone.

SAUNIUNIGA *Mo le gaoioiga i le tagata asiati atu:* Fuafua ia i ai se tama na faamanuina lata mai nei lana pepe e aumai lana pepe i le vasega ma talanoa e uiga i lona aafiaga.

Mo le tusi susue: Kopi le ata tusi o i le itulau 119. Valivali pe a manao ai. Oti i luga o le laina solo atoa ma gagau i luga o le laina togitogi.

Fuaiupu o Gaoioiga Tauloto soo se fuaiupu po o fuaiupu uma o gaoioiga ma valaaulia tamaiti tou te faia faatasi. A uma fuaiupu taitasi, faamanatu i tamaiti e faamanuina o tatou olaga e le perisitua.

Faamanuina o pepe (Faaali atu le ata o i le itulau 118):

Ua sii e Tama le pepe (*faafoliga o sii le pepe i lima*)
Ma le alofa tele
Faamanuia ma faaigoa i le mana o le perisitua.
E alofa o ia i le matou aiga! (*fusi oe lava*)

Faamanuina o e mamai (faasino i le ata tusi o i le itulau 119):


A ou ma'i, e faamanuia a'u (*faasino ia oe*)
E alii perisitua amiotonu.
Ou te lagona le filemu, ma faatuatua (*tuu le lima i luga o le fatu*)
O le a ou toe manuia.

Faamanatuga (faaali atu le ata o i le itulau 114):

Ou te ai le areto ma le filemu (*faafoliga o ai le areto*)
Ma inu foi le vai. (*faafoliga o inu vai*)
Ou te piilima ma mafaufau ia Iesu— (*piilima lima*)
O le mea e tatau ona ou fai. (*luelue le ulu i luga ma lalo*)
[M. W. Verbica, "The Sacrament," *Friend*, Fep. 1995, 17]

Tagata asiati Faailoa atu la outou tagata asiati i tamaiti. Faamalamalama atu ia i latou o le tamā lea e i ai le perisitua ma na faaoga e ia le perisitua e faamanuia ai lana pepe. Fai fesili i le tama e pei o, "O ia te oe le perisitua?" "O ai le igoa o lau pepe?" "O le a lau tala na fai a o faamanuia lau pepe?" "E faapefea ona e faaogaina le perisitua e faamanuia ai lau pepe a o tuputupu ae o ia?"


Tusi susue Faaali i tamaiti le tusi susue na e saunia. Susue le pito muamua, faitau faamatalaga o loo i ai, ma fai i tamaiti tou te faia faatasi. Toe fai mo pito uma e lua.




MOTUGAAFA FAAFAIAOGA

Toe faamanatu: E fiafia tele tamaiti i tala, pese, ata, ma gaoioiga na latou vaai ma faalogo i ai muamua. Usu pese pe fai fuaiupu o gaoioiga mai le lesona lenei po o lesona na muamua i soo se taimi a o faia le vasega. O le a fesoasoani le toe faamanatu lea ia i latou e manatua ai mataupu faavae na e oogo atu.






Faamanuiaiaina
o Pepe



Faamanuiaiaina
o e Mamai



Faamanatuga

E Faamanuiaiaina A'u e le Tama Faalelagi e Ala i le Perisitua